



Tuhagakhaq

Pigiaqtitaunahuarniq Ikayuqtait Maniliurnirmut Angikliyuumiqninga allatqiinik Hanaugaliurniq Mirhuqniqlu

IQALUIT, Nunavut (June 25, 2007) – Ministauyuq Pivalliyuliyiyikkunni Ingilrayuliyiyikkunnilu David Simailak naunaipkaqtitaa Sanaugait: Pigiaqtitaunahuarniq Angikliyuumirniqmut Nunavutim Hanaugaliurniq Mirhuqniqmullu. Tamna pigiaqtitaunahuarniq naunaqtitauyuq Nunavut Hanaugaliuqniq Katimatjutinga.

“Quviahukpiaqtunnga piinarialeaqplugu inuknut hanaugaliuyuktunut mirhuyuktunullu Nunavunmiutat hivulliuyuq ihumaliuqniq piliuriamikni ikayuutaunulu hanaugaliuqniq mirhuqniqlu nunaptikni,” uqaqtuq Simailak. “Havaqatigiigupta, ikayuqniaqtavut akhuurutauyuq angikliyuumiqtuqlu hanaugaliuqniqmut maniliuqniq taimaatutlu hanaugaliuqniq mirhuqniqlu pihimaarutauyuq piliuriami Nunavut maniliurninnganik.”

Nunavut Kavamanga akhuuqtuq angikliyuumiriamikni pitjutinga Nunavuutim hanaugaliurninga tutquumavingit maniit ihuarhigiami qanuritaakhaanganik, angikliyuumiqlugu ihuarhainiq ikayuqlugulu ikayuutikhimaarninga havaqatigiikniq Nunavunmiut hanaugaliuyuktut mirhuyuktut, timiqutigiyangit nunamiknullu.

Sanaugait pipkaiyuq 7nguyut tikinnahuaqtamiknik 19niklu atugakhaitlu ikayuutauniaqtut angikliyuumiutinga hanaugaliuqniq mirhuqniqlu Nunavunmi. Tamna pigiaqtitaunahuarniq uuminnga ilauyuqlu Ukkusiksaqtarvik, utkuhikhanik ihumaliuqniqmik ikayuutaugiami pihimanginganik utkuhimik hanaugaliuyuktunut Nunavunmi

Tamna Nunavut Hanaugaliuqniq Pigiaqtitaunahuarniq Havaqatigiiktut Katimayyingit, ilauhimayut hanaugaliuqniq katimayyingit kavamatkunillu havaktut, havaqatigiikniaqtuq pipkailirluni havaktakhangit ilitariyayut tikinnahuaqtamiknut pigiaqtitaunahuarniqmi. 2009mi havaqatigiiktut katimayyingit upalungaiyarniaqtaa iluittumik qanuqtut piyut taiguagakhamik pitquiniaqtutlu allannguqtukhanik ihariagiyayut maniliuqhimaariamikni hanaugaliuqniqmi.

Taiguagakhat Sanaugait: Pigiaqtitaunahuarniq Angikliyuumiutigiyumik Nunavutim Hanaugaliuqniq Mirhuqniqlu piinarialik Pivalliyuliyiyikkunnit qaritauyakkut pulaarviani havakvinganilluuniit tamainni Nunavunmi.

- 30 -

Naunaittiarumaguvit, hivayarlugu:

Eva Michael, Tuhaqtipkainiq

☎ (867) 975-7814 Akiitukkut Hivayautikkut 1 888 975-5999

Qaritauyakkut : emichael@gov.nu.ca

Qaritauyakkut pulaarvia: www.edt.gov.nu.ca